



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2013. GODINU **BOSS-BOSANSKE STRANKE-Mirnes Ajanović**

Broj: 03-07-6-276/14
Sarajevo, 03. jul 2015. godine

SADRŽAJ

MIŠLJENJE REVIZORA	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE	5
Predmet revizije.....	5
Cilj revizije	5
Obim revizije	5
4. PRETHODNE KONTROLE I REVIZIJE	5
5. NALAZI REVIZIJE I PREPORUKE.....	6
5.1. NALAZI	6
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je reviziju godišnjeg finansijskog izvještaja BOSS-Bosanske stranke-Mirnes Ajanović za 2013. godinu.

Rukovodstvo stranke je odgovorno za finansijske izvještaje, postupanje u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da BOSS-Bosanska stranka-Mirnes Ajanović u izvještajnom periodu nije postupila u skladu sa odredbama člana 4. stav (1), člana 11. i člana 12. stav (1) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je BOSS-Bosanska stranka-Mirnes Ajanović u 2013. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja BOSS-Bosanske stranke-Mirnes Ajanović za 2013. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. stav (2) Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja BOSS-Bosanska stranka-Mirnes Ajanović finansirala se iz sljedećih izvora:¹

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	28,90	0,02%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	160.182,79	99,38%
8	Prihodi od propagande (3-g)	0,00	0,00%
9	Ostali prihodi	971,77	0,60%
I	Ukupni prihodi	161.183,46	100,00%
II	Kreditno zaduženje kod banaka	0,00	0,00%
Izvori finansiranja (I + II)		161.183,46	100,00%

U godišnjem finansijskom izvještaju BOSS-Bosanska stranka-Mirnes Ajanović iskazala je ukupne rashode u iznosu od 138.481,42 KM.

2. PREDSTAVLJANJE POLITIČKE STRANKE

Naziv političke stranke: BOSS-Bosanska stranka-Mirnes Ajanović. Skraćeni naziv stranke: BOSS.

Politička stranka je upisana u registar političkih organizacija kod Višeg suda u Tuzli rješenjem broj: R-I-8/94 od 09.05.1994. godine, pod nazivom: Bosanski omladinski savez BOSS. Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli od 08.05.2006. godine izmijenjen je naziv stranke koji glasi: BOSS-Bosanska stranka-Mirnes Ajanović, te je rješenjem Općinskog suda u Tuzli od 08.05.2006. godine upisana promjena sjedišta stranke.

Sjedište političke stranke je u Tuzli, Kojšino 7.

Ovlašteno lice za zastupanje stranke je Mirnes Ajanović, predsjednik.

¹ Podaci iz ispravljenih obrazaca 3 i 3-c finansijskog izvještaja koje je stranka dostavila uz očitovanje dana 11.06.2015. godine.

Lice ovlašteno za podnošenje finansijskih izvještaja za 2013. godinu je Nedžad Zonić.

Prema podacima iz godišnjeg finansijskog izvještaja za 2013. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor,
- Regionalni odbor Sarajevo-Goražde i
- 28 općinskih odbora.

3. OPIS REVIZIJE

Predmet revizije je godišnji finansijski izvještaj BOSS-Bosanske stranke-Mirnes Ajanović za 2013. godinu i to sljedećih organizacionih dijelova političke stranke:

- Glavni odbor „BOSS“ Bosanske stranke – Mirnes Ajanović Tuzla,
- Regionalni odbor „BOSS“ Bosanske stranke – Mirnes Ajanović Sarajevo Goražde
- Općinski odbor „BOSS“ Bosanske stranke – Mirnes Ajanović Zenica i
- Općinski odbor „BOSS“ Bosanske stranke – Mirnes Ajanović Tešanj.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je BOSS-Bosanska stranka-Mirnes Ajanović u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja BOSS-Bosanske stranke-Mirnes Ajanović u periodu od 2004. do 2012. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora, nalazima i preporukama stranci da se ne finansira iz zabranjenih izvora, da uspostavi potpune evidencije o prihodima i rashodima i da finansijske izvještaje podnosi u formi koju je odobrila Centralna izborna komisija Bosne i Hercegovine, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka. Stranci je, takođe, preporučeno da poštuje i druge propise, prevashodno poreske, iz kojih proističu dodatne obaveze i troškovi, da redovno vrši popis svojih obaveza i da, imajući u vidu da se stranka finansira isključivo sredstvima iz budžeta, prikupljena sredstva troši racionalnije.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da je BOSS-Bosanska stranka-Mirnes Ajanović ispoštovala preporuke samo u djelu koji se odnosi na poreske propise.

5. NALAZI REVIZIJE I PREPORUKE

5.1. NALAZI

a) BOSS-Bosanska stranka-Mirnes Ajanović prekršila je odredbu člana 4. stav (1) Zakona o finansiranju političkih stranaka.²

Stranka je svojim Planom troškova za 2013. godinu planirala novčana sredstva za naknade vijećnika u iznosu od 7.500,00 KM.

Na osnovu akta broj: 01-14-388-1/15 od 12.01.2015. godine, utvrđeno je da su sredstva iz budžeta Kantona Sarajevo za 2013. godinu namjenjena za BOSS-Bosansku stranku-Mirnes Ajanović u iznosu od 55.306,96 KM isplaćena na transakcijski račun broj 1990496065383857 otvoren kod Sparkasse bank na ime Esed Radeljaš.³

Obzirom da je stranka koristila sredstva van utvrđenog plana, prekršila je odredbe člana 4. stav (1) Zakona o finansiranju političkih stranaka.

b) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.

Revizijom je utvrđeno da stranka nije evidentirala sve prihode i troškove u svojim poslovnim knjigama te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

- Stranka je u obrascu 4.1 Glavnog odbora (Režijsko-administrativni i ostali troškovi) iskazala troškove zakupa u manjem iznosu za 172,86 KM, što ukazuje na činjenicu da stranka ne vodi adekvatne evidencije o svojim rashodima, čime je prekršila odredbe člana 20. i člana 21. Pravilnika.
- Stranka u obrascu 3-f finansijskog izvještaja (Prihodi iz budžeta) i poslovnim knjigama nije iskazala prihode iz budžeta Kantona Sarajevo u iznosu od 55.306,96 KM, čime je prekršila odredbe člana 19. Pravilnika.
- U obrascu 5 (obaveze političke stranke) finansijskog izvještaja stranka je iskazala obaveze prema dobavljačima u iznosu od 6.112,69 KM.

² Prema odredbama člana 4. stav (1) Zakona o finansiranju političkih stranaka, finansijska sredstva iz člana 3. stav (1) navedenog Zakona stranka može koristiti isključivo za ostvarivanje ciljeva utvrđenih svojim programom i statutom.

³ Kanton Sarajevo je iz budžeta za 2013. godinu za ovu stranku izdvojio 60.618,06 KM, s tim da je zadnju tranšu u iznosu od 5.311,10 KM uplatio 10.01.2014. godine.

Revizijom je utvrđeno da stranka nije u poslovnim knjigama uspostavila potpune i tačne evidencije o obavezama prema Općini Zavidovići i nije iskazala ispravno u godišnjem finansijskom izvještaju, čime je prekršila odredbe člana 24. Pravilnika.

Stranka je u finansijskom izvještaju i poslovnim knjigama iskazala obaveze prema Općini Zavidovići u iznosu od 640,00 KM.

Na osnovu podataka koje je dostavila Općina Zavidovići, utvrđeno je da su obaveze BOSS-Bosanska stranka-Mirnes Ajanović na dan 31.12.2013. godine iznosile 1.042,20 KM, što je za 402,20 KM više u odnosu na obaveze koje je stranka iskazala u obrascu 5.

5.2. PREPORUKE

Preporučuje se BOSS-Bosanskoj stranci-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svoja sredstva ne koristi van utvrđenog plana troškova novčanih sredstava,*
- *da vodi adekvatne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

Takođe se preporučuje:

- *da vrši usaglašavanje svojih obaveza.*

KOMENTAR:

BOSS-Bosanska stranka-Mirnes Ajanović je u ostavljenom roku dostavila primjedbe na Preliminarni izvještaj o reviziji godišnjeg finansijskog izvještaja za 2013. godinu. Uz primjedbe stranka je dostavila relevantne dokaze koje je Služba za reviziju uvažila i u tom dijelu korigovala nalaze revizije.

Obzirom da je stranka dostavila račun Općine Zavidovići za zakup prostorija u iznosu od 1.120,00 KM, Služba za reviziju je izvršila korekciju nalaza, odnosno proširila nalaz u dijelu koji se odnosi na obaveze stranke u obrascu 5.

Zahvaljujemo se ovlaštenoj osobi za finansijske izvještaje i angažovanom osoblju u Glavnom odboru BOSS-Bosanske stranke-Mirnes Ajanović na dobroj i korektnoj saradnji tokom obavljanja revizije finansijskog izvještaja.

Šef odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović - Kapić

Šef Službe za reviziju

mr.sc. Hasida Gušić